

22 MAR 2000

AGONG HANTAR PERUTUSAN KE PAKISTAN

KUALA LUMPUR, 22 Mac (Bernama) -- Yang di-Pertuan Agong Sultan Salahuddin Abdul Aziz Shah menghantar perutusan tahniah kepada Presiden Mohammad Rafiq Tarar sempena Hari Kebangsaan Pakistan esok.

"Kami yakin yang hubungan rapat sedia ada antara kedua-dua negara akan terus berkembang dan diperkukuhkan di bawah kepimpinan tuan yang bijak," kata beliau dalam perutusan yang dikeluarkan oleh Wisma Putra, di sini.

Perdana Menteri Datuk Seri Dr Mahathir Mohamad juga menghantar perutusan lebih kurang sama kepada Ketua Pegawai Eksekutif Pakistan, Jeneral Pervez Musharraf.

"Malaysia dan Pakistan menikmati hubungan mesra sejak bertahun-tahun. Saya berharap untuk terus bekerjasama dengan anda dalam memperkukuhkan lagi hubungan ini," katanya.

Menteri Luar Datuk Seri Syed Hamid Albar dalam mesej kepada rakan sejawatannya Abdul Sattar berkata, beliau yakin keinginan kedua-dua negara itu untuk menjalin hubungan ekonomi, perdagangan dan budaya yang lebih erat akan meningkatkan lagi hubungan baik sedia ada.

-- BERNAMA

RV PR